



Inatsisartunut ilaasortaq
Isak Hammond, Inuit Ataqatigiit

Kanalit digitaliusut pillugit \$37 naapertorlugu akissut

Asasara Isak Hammond

DR-ip 2013-imi nassitsisarnerata allangornerata kingorna kanalit digitaliusut pillugit apeqqummut qujanaq.

Apeqqut 1:

TV-kut isiginnaartartut eqqarsaatigalugit, digitalt tv-kkut aallakaatitanik atorunnaarsitsisoqarnerata kingorna sunik matussusiisoqarniarpa?

Akissut 1:

Ilisimatitsissutigineqarsinnaavoq, nuna tamakkerlugu TV-kanalit pingasuusut, tassalu DR HD, DR Kultur aamma Ramasjang, allangornissaat aalajangiunneqarmat, januar 2013-imiit imarilissallugit DR 1, DR 2 aamma DR Ultra (Ramasjang angineq)- nutaajusussaq, meeqqanullu anginernut naatsorsuussaq.

Apeqqut 2:

Aallakaatinneqartartut unitsinneqartut sunik taarteqartinneqarniarpat?

Akissut 2:

Nuna tamakkerluni digitalinnigornikkuummat, DR-imiit kanalitigut pingasutigut nuna tamakkerlugu sullissinissamik neqeroorutip tamatuma, KNR periarfississavaa KNR 1-ikkut kalaallisuinnaq / Kalaallit Nunaanni suliaannarnik aallakaatitsisarnissamut.

Maannamut atuuttut KNR 2 Inatsisartut ataatsimiinnerinik imaqartassaaq, ataatsimiinnerillu akornini maannakorpiaq pisut pillugit, ilassutaasumillu aallakaatitanik aallakaatitassiorsinnaassalluni, soorlu kommunini sisamani kommunalbestyrelsit ataatsimiinnerinit.

Neriuutigineqarpoq neqeroorutit nutaat - aningaasaliissutaasut iluini - amerlanerpaanut naapertuutissasut.

Inussiarnersumik inuulluaqqusillunga

14. december 2012
Sags nr. 2012-078277
Dok. nr. 1091280

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Mimi Karlsen